

VIGO NO DIVÁN

16 e 23 de outubro

OUTRO VIGO É POSIBLE CHAMA Á CIDADANÍA A PARTICIPAR NOS DEBATES DE VIGO NO DIVÁN SOBRE O PASADO, PRESENTE E FUTURO DA CIDADE

- ⊕ *O alcalde de Vigo presentou hoxe as xornadas organizadas por Outro Vigo é Posible*
- ⊕ *As xornadas terán lugar os sábados 16 e 23 de outubro no Centro Social de Caixanova*
- ⊕ *Esta actividade forma parte dos actos conmemorativos do bicentenario de Vigo como cidade*
- ⊕ *Pola tarde, Outro Vigo é Posible reparte folletos informativos na Rúa do Príncipe acompañado do grupo Perkuka do Conservatorio Superior de Música, e de alumnado da ESAD*

Vigo, mércores 13 de outubro de 2010.- O alcalde de Vigo, Abel Caballero, e a secretaria de **Outro Vigo É Posible**, Marina Troncoso, presentaron hoxe no Concello as xornadas de debate Vigo no Diván organizadas polo colectivo cidadá co apoio da Alcaldía de Vigo e incluído nos actos do Bicentenario da Cidade de Vigo.

Na súa intervención, a secretaria de **Outro Vigo É Posible**, Marina Troncoso, salientou a importancia dunha reflexión colectiva, sosegada e plural, a partires da opinión de expertos. Por iso, fixo un chamamento a toda a cidadanía a participar nestas xornadas que terán lugar os sábados 16 e 23 de outubro no Centro Social de Caixanova, a partires das 11.00 h..

Nesta mesma liña de fomentar a participación de toda a cidadanía viguesa, **Outro Vigo É Posible** ten previsto repartir información na Rúa do Príncipe coa participación desinteresada do grupo Perkuka do Conservatorio Superior de Música e do alumnado da ESAD, que farán cadanseu espectáculo de rúa. Estas accións se repetirán os días 15 e 22 de outubro e tamén contarán coa participación, tamén desinteresada, do alumnado do Conservatorio Profesional de Música.

O pasado que configurou o presente e o presente que constrúe o futuro son os títulos das dúas xornadas que a asociación de participación cidadá **Outro Vigo É Posible** ven organizando desde novembro de 2009 a modo de achega á cidadanía con motivo do bicentenario da cidade.

O obxectivo destas xornadas é suscitar un debate, o máis participativo posible, sobre o modelo de cidade que Vigo debería de ter no futuro. Trátase dunha idea que dende hai tempo está a desenvolver este colectivo cidadá que se plasma agora coa intervención inicial dun total de nove expertos en distintas disciplinas que ofrecerán unha visión de

Organiza:



Colabora:



Contacto cos medios de comunicación: 619225565



VIGO NO DIVÁN

16 e 23 de outubro

conxunto dos distintos aspectos que teñen determinado e poden determinar o presente e o futuro de Vigo.

Así, na primeira das xornadas o arqueólogo **Xulio Carballo Arceo** repasará a historia de Vigo dos castros á romanización; mentres que o profesor de Historia Contemporánea **Luís Domínguez Castro** tratará á Reconquista e a conversión de Vigo en cidade. O Catedrático de Historia e Institucións Económicas da Universidade de Santiago **Xoán Carmona** falará da industrialización; e **Xosé Manuel Souto**, Catedrático de Xeografía e Historia falará do aluvián demográfico e a conformación da cidade. Finalmente, o sábado 16, **Xosé María Mella**, catedrático de Economía Aplicada da Autónoma de Madrid dará unha visión global da economía viguesa.

Na xornada do 23 de outubro, dedicado ao *presente que constrúe o futuro*, o psiquiatra e músico **Antón Seoane** falará da identidade viguesa; e o catedrático de Política Económica da Universidade de Barcelona **Antón Costas**, falará da nova economía da cidade. A profesora de economía Aplicada da Universidade de Vigo **María Xosé Caride** falará da vertebración territorial e **Juan Miguel Margalef**, presidente da Asociación de Defensa do Patrimonio de Cartaxena centrará a súa intervención nos gobernos participativos e as cidades sustentables.

Nestas xornadas tamén haberá un apartado dedicado á cultura que se traducirá na intervención do grupo **Camerata Viguesa** dirixido por Armando Toledo; e do grupo de **Teatro Ensalle**. Tamén haberá lectura de poemas inspirados en Vigo a cargo de **Mari Carme Kruckemberg** e **Maximino Queizán**, entre outros. A presentación das xornadas correrá a cargo da xornalista viguesa e cofundadora de **Outro Vigo É Posible**, **Carmen Domínguez**, mentres que os oradores serán presentados por **Ana Guantes** e **Magis Iglesias**, que tamén moderarán os debates dos días 16 e 23, respectivamente.

Con estas accións, **Outro Vigo** quere poñer de manifesto a riqueza e pluralidade cultural de Vigo e incidir na participación de todos os sectores da sociedade olívica neste debate.

A Asociación **Outro Vigo É Posible** nace no principio do século XXI como un foro aberto e plural que recolle as diferentes sensibilidades de pensamento que existen en Vigo e a súa área metropolitana. É un espazo cívico de encontro, debate e intercambio de información que intervéñe na elaboración de propostas concretas que contribúan a integrar a Vigo na Rede de Cidades Europeas Sostibles.

Outro Vigo É Posible agradece ao concello de Vigo, ao seu alcalde, e á Fundación Pro Vigo que recolleran a súa idea de promover este tipo de debates, onde o protagonismo correspóndelle á cidadanía.


Organiza:



Colabora:



Contacto cos medios de comunicación: 619225565



VIGO NO DIVÁN

16 e 23 de outubro

13, 15 e 22 de outubro de 2010

19.30 Na Rúa do Príncipe, diante do MARCO, reparto de información sobre Vigo no Diván, coas actuacións do **Grupo Perkuka** do Conservatorio Superior de Música, do alumnado da **Escola Superior de Arte Dramática**, e do **Conservatorio Profesional de Música**.

16 de outubro de 2010

O pasado que configurou o presente.

11:00 A xornalista viguesa **Carmen Domínguez**, co-fundadora de *Outro Vigo é Posible* e directora do programa de TVE *Españoles en el Mundo*, presentará a xornada.

11:05 Intervención da moderadora, **Ana Guantes**, que presentará aos oradores.

11:10 *Do castro á romanización*. A cargo de **Xulio Carballo Arceo**, arqueólogo da Delegación de Cultura de Pontevedra.

11:25 *A Reconquista e a conversión de Vigo en cidade*. Encargarase **Luís Domínguez Castro**, profesor 'Jean Monnet' de Historia Contemporánea da Universidade de Vigo.

11:40 *A industrialización de Vigo no XIX e XX*. Desenvólveo **Xoán Carmona**, catedrático de Historia e Institucións Económicas na Universidade de Santiago.

11:55 *Realidade urbana, urbanismo e articulación social. Vigo cidade de aluvión demográfico. Cidade e aldea. O chamado "proletariado simbiótico"*. Intervención a cargo de **Xosé Manuel Souto**, catedrático de Xeografía e Historia. Profesor colaborador de formación inicial nas Universidades de Alacant e de Valencia.

12:10 *Unha visión global da economía viguesa*. A cargo de **Xosé María Mella**, catedrático de Economía Aplicada da Universidade Autónoma de Madrid, profesor 'Jean Monnet' por nomeamento da Unión Europea.

12:25 Descanso.

12:40 Debate.

* Durante o debate procederase á lectura de tres poemas do libro *Ría de Vigo* de **Mari Carme Kruckenberg** por ela mesma; e do poema *La Noche* de Manuel Lueiro Rey e *Calma* de Eduardo Blanco Amor a cargo de **Maximino Queizán**.

14:15 Lectura das conclusións da xornada a cargo de **Eduardo Rolland**, que actuará como relator.


Organiza:



Colabora:



Contacto cos medios de comunicación: 619225565



VIGO NO DIVÁN

16 e 23 de outubro

14:00 Breve actuación do grupo **Camerata Viguesa** dirixida por **Armando Toledo**, que porá fin á xornada.

23 de outubro de 2010

O presente que constrúe o futuro.

11:00 Intervención da moderadora, a xornalista viguesa **Magis Iglesias** que presentara aos oradores.

11:05 *¿Existe unha identidade viguesa? Cidadanía, identidade, pertenza, desarraigamento, violencia e saúde mental.* Desenvolverá este apartado **Antón Seoane**, psiquiatra e músico.

11:10 *A nova economía da cidade.* Tema que abordará **Antón Costas Comesaña**, catedrático de Política Económica da Universidade de Barcelona. Presidente do Consello de Endesa en Cataluña e articulista de El País.

11:25 *A vertebración territorial, as comunicacións, os servizos públicos, a xeo-estratexia; as rutas do comercio, a euro rexión.* Presentará **Maria Xosé Caride Estévez**, profesora do Departamento de Economía Aplicada da Universidade de Vigo e ex conselleira de Política Territorial.

11:40 *Cidade sustentable, calidade de vida, política local, democracia moderna, gobernanza, goberno participativo.* A cargo de **Juan Miguel Margalef**, presidente de Asociación de Defensa do Patrimonio en Cartaxena. Escribiu "*la ciudad borrada*" sobre a perda de identidade das cidades. Foi director xeral de Cultura na Rexión de Murcia. É profesor de Literatura Francesa en Cartaxena.

11:55 Descanso.

12:10 Actuación de **Teatro Ensalle**.

12:20 Debate.

* Durante o debate procederase á lectura do poema *Jazz Industrial* de María Xosé Queizán a cargo de **Alicia Borrás**; e do poema *Barcos* de Manuel Forcadela a cargo de **Maximino Queizán**.

14:15 Lectura das conclusións da xornada a cargo do relator da mesma, **Eduardo Rolland**.

14:30 Actuación do grupo **Camerata Viguesa** dirixido por **Armando Toledo**.

Organiza:



Colabora:



Contacto cos medios de comunicación: 619225565